


NAWAQUEIDAICATECUA
NACUTAACATENA
WENAIWICA NABEIYEICA
YUQUEYEICAWA



NAWACATECAWA
NAICACATENA ICACANAWA
NAYANAPINACA NAPICHA NIA
UBPD CAITA NACAI NAPICHA
NIAA UWAIWANAICA IYEYEICA
COLOMBIA INATA

■ Ya nawacacateicuwa napicha nia UBPD caita nacai napicha nia uwaiwanaica iyeyeica Colombia inaata, itanircatewa aberi natanicatecawa napichawacawa yaa erimique 19 de enero 2019.

YAA ICACANAPINAWAJA

Ya icacanawa imacaanawa ya a bedateca nawawa niai imaniyeica cayabacateana wayaca iyuwa wayaána baluité camiri yewa ichaba aniwaa. (SIVJRM). niaca caweniye imanica yai yeewacatena imanicawaa, namirimi nacawaa niai uwaiwanaica bailuite Colombia iinata.

Ewita naicaca wia metaucule naichawaa, quewa nia iyeyeica wapichalee newaida wia wabaluacawa naipunita mamalacata yewacatena cawenica waiwitaise.

Nia icuteyeica wenewicanai yuqueyecawaa (UBPD) naliaca

naicaca yai baweriri namanirica uwaiwanai yasu iinata,caita nacai niai cacapiseiyeca nainida namalaida nacawa uwaiwanai iwitaise.ina iwalise waliaca namanica manui baweri nalii niai wenewicaca, iwawacuta ichunicawa cawenitena wia.

Niai caneyeica yacawa ibaideica yacawa wapichalee nicata namaniyei iri baweri,wsu cali iri nacai. Uculyee, inanii, nateyeica napichawaa.

Iwalise niai UBPD nacutaa icacanawa metaucuisse cainaa yewana nahcupinaca nali niani namaniyeica iri baweri.walia waicaca yai uwaiwa nai imanica nasu caali iinatawa nepuanaca nawawalica caina yewana ichunicawa yai baweri

iderica nanica wenewica irii.idee caweni naicaca namicaina consulta previa napicha niai uwaiwanaica caita UBPD ca.yai imaniricawa yewaida niai icuteyeica yacawa wenewica yuqueyecawa.ina iwalise idee wamanica icacananawa nayudanapina uwawainai iyacalee, iyuwa yai iderica namanica ichunui pinaa naiwitaise iyanaa pinaa yewacatena wayaca cayaba waiwitaise iyuwa caita cawe-nicatena waiwitaise.

Ina wamaida macaita yewatena waicaca iwali macaita yai iderica imanicawa nali niai uwaiwanaica, yewacatena wayaca cayaba, ipichana ichabacawa baweri wawasi maini iyuwa queechami.

ABEDANAMACATAI NAWAWA

Yai abedanawatai nawawa niai ichuliyeyeca napicha niai imaniyeyeca baweri cayabatena waya caa, yai icacanawa imcanawa naicha niai UBPD caita Ichuliyeyeca nawali niai capiseyeyeca. ina niai UBPD nanawa art. 01 2017 ichuliyaye niawatawa nacutacatena nia wenewica namaniyeyeca irri baweri iyuwa iyana yai constitucion política ,sentencia C_067 icalida iwali niai ichuliyeyeyeca iwawacuteyeyeca icutaaca niai wenewica mesunamaita. atata niai ichuliyeyeca wasu cali iinata

namaca niai EDR yewacatena nachulia nacutaca wenewica caneyeyeca namiyeyeca iri baweri. wia uwaiwa nai ideca wasaidaca wiawawa nali niai ichuliyeyeca yewacatena nayuda wasu wawasicawa nacai, caita waiwitaise wayaana.

Niai ichuliyeyeca iwawacuta naicaca nawali niai uwaiwanaica namaniyeyeca iri baweri yewacatena camita calu nacalidaca nabayawana niai imaniyeyeca baweri nalii. Ya nasu niai ichuliyeyeca namaninapinani. Art 03 del decreto ley 589 del 2017.

Iwawacuta waliacawa Yewatenawa wacalida nali niani wasu wenewicaca walisanaca iwali yai ichaberimicawa, naliacatena nasu wawasi iwaliwa. ipichanaa caalu nacalidacaani.

Ya icacanawa yasaida waica ya nataniri iwali decreto ley 589 de 2017. Iwalisena imusua yai natanina napichawacawa yewacatena caweni wasu wosawasi napicha nia ichuliyeyeca.

Imacanapinawa

YAA ICACANAWA IMACACUWA

Imacanawa movimiento Indígena colombiano

■ Chapina cawenipina naica yai nawacateicawa nasu cali iwali, naiwitaise iwali, nachulianaca, art, 4 A40 decreto ley 4633 del 2011 wachuliana waiwiteise iwaliwa.

Cawenicatai nasu wowasi

■ Cananama ya ibeidericawa cawenipina ya wasu waiwiteise quecherimica, nasu nia beyeimica, naiwiteisasiwamica. Yewacatena caweni wia cananama, waiwiteise iyuwa wia uweiwanaica.

Webaideriwali

■ Cananama yaa imaniricawa iyudapina nia namaniyei iri baweri yewacatena nayaca cayaba imanca yai decreto 589 de 2017.

Mainina wachuliaca naicha

■ Ya mainiri cawenica namaniri nali nia uwaiwanaica, iwali yai nachulianaca niawawa naiwiteise iyuwa yewacatena

camita caweni natacai nia wawaimica yewacatena wacuaca wiawa, cawenicatena nacai waiwiteise caita wachuliacatena nacai.

Wachuliana iyuwa wawowana wayaca wayacalericuba

■ Nia uwaiwanaica ya nachulianaca lleva naibaidaca iyuwa naiwiteise iyana.iyuwa natani napicha nia ichulieyeica llevacatena natani iwali ya wawowacuterica yewacatena nacai caweni wasu wawasi wacuanapina wiawa.

Waimiatacana iyuwa wawana wayaca matuibanaita wapichawacawa

■ Ya imaniricawa napicha nia wawaimica convenio 169 de la OIT iwowacuta imanicawa iyuwa iyana yai nataniri iwali, llevacatena camita namani wali baweri nali nia uwaiwanaica namanicatena iyuwa ya itenericawa ya natanirica iwali llewapina wamusuacawa naicha nia UBPD itanerica camicalicayabani.

IDABERIU BAWERICA

■ Ya baweri imaniricawa macaita nali nia uwaiwanaicai ichainisiri iyu maini bawacani iwiteise baweri yaneri metacuise. Imanicaina manuba baweri wali waiwiteise iri, wia iyeyeica wasu cali inata wia itaniyeica watacai iyuwa caita nacai nia icueyeica wia yewacatena wayaca matuibanita wasu cali inata nia ichulieyeica maini camita namani iyuwa nataniri iwali mawenica naica waiwiteise ina yewa waibeida cachaini llewacatena caweni ya watacai iyuwa nacai ya wasu cali waiquerica iyuwa watua yacaina wacuacataiwa yewacatena waya cayaba.

NATANINA NAPICHAWACA MADECANA IWITEISI IWALI

■ Natanina napichawaca tacaisi baisirica niai uwaiwanaica, ya cayapina imusuacawa itaricawaa napicha niai aibanaica iyuwa UBPD, quewa iwacutawa abenameye ichabaideye tacaisi watacai iyú amálawaca.

NIA YACUERDEYECA WIA WENANAICA IYUWA ABENAMEYE UWAIWA

■ Waica pina nawali niai wenanaica aibanai uwaiwanaica, iwali yai natanirica iwali, yewacatena naliacawa nasu wawasi iwaliwa macaita yai ichaberica yacawa walii wia uwaiwanaica. camicaina waliawa nawali niai wenanai caneca sicuata o caucali nia o nanuacali nia, cai iyuwa idena itanacawaa.

ABEDANA NAWAWA NAIBAIDACA

■ Niai UBPD abedanama pina nawawa napicha niai ichuliyeca wasu cali iinata watese nacai iwali pina yai iwawacuteri imaniricawa napichaniai aibanai ichuliyeca iyerica decreto ley 589 iwawacutaa pina naibaidaca caaliacairi iyu napichawaca, iina iwalise iwacuta piná naibaidaca niai CEV, yewacatena naibaida napichawaca yewacatena nanaca niai yuqueyecawa maliacanawaca.

NAICAPINA NASU WAWASI NIAI INANAICA NENANAI NACAI CAITANACAI NIAI WALISANA IMUSUCAWA NAYACALE IRICUWAA

■ Watanicali inai iwali iyuwa watanicali wasu cali iwali maini cawenirica nasu wawasi, iina iwawacutaca nayaca napicha niai UBPD naliacatewa iwali yai itanericawa.

CAPÍTULO 1

NAWAWACATALEE WANACA

Imanipinawa iyuwa waiwitaise iyaana yewacatena wayaca napicha cayaba niai cacapiseyeica camicali yalima imanica ya imacacawa nacapiricu niai ichuliyeyica wia Colombia iinata.

a. Iyuda pina nainaidacawa nawali niai yuqueyecawaa, caide iyuwa wenanai yuqueyewa wasu cali iinata.

b. Itanii pinawa napicha niai ichuliyeyica iwali, yewacatena nacua nia wenewicaca iibaidercawa yacawaa yai itaneri yacuwa. Ley 589 de 2017.

c. Imanipinawa icacanawa cainapina namichaida ya yetericawa uwaiwaseiri wasu cali inata quewa iyuwa wawaimi iwiteise.

d. Imanipinaw cayaba iyuwa wawaimi iwiteise nacutanapinaca nia wenaiwica uwaiwanai yuqueyeyicawa, yewacatena nalia iwali ya nacuterica.

Wayacataica

Ya imaniricawa chai abedanamacataica nawawa nalia naicaca wasu cali inata namari baweri nia cacapiseyeica ina iwawacuta nalabaca nia yaliyeyicawa yewacatena na imiatacana nia ichuliyeyicawia wasu cali inata.

Imanica cayaba

Ya ubpd iwawacuta camita imani baweri nali nia ichuliyeyica llewacatena nacuta nemiawa camicatena baweri ichabau wali wia wenaiwicaca iyeyeyica wasu cali inata.

Waiwitaise iyaana

Nia ubpd nayapina napicha nia caliaquieyei ichuliyeyica llewacatena namani icacanawa yai waiwitaiserica yewacatena wayaca cayaba iyuwa wenaiwica, napicha nia imaniyeyi yacuwanai.

Ya ubpd iwacaidapina nia macaita niai iteyeyica ya wowasica chai ericuru. (PAPSIVI) icacanawa naibaidaca naiwiteise iricuisse ina nawawa nadabaca SISPE. Icuteripina uwaiwanai yuqueyeyicuwaa. Abedanamata iyuwa itananawa art, 115 a 118 decreto 4633 de 2011.

Waiwitaise

Nia UBPD naibaidapina napicha nia ichuliyeyica wasu wayacalericu namanicatena cayaberi nacutanapina nia yuqueyeyicuwaa o nia nacai nabeyeyica nali nia ubpd napicha nia ichuliyeyi wasu cali inata caita nacai napicha nia caliaquieyeyica, llewacatena namani cayaberi wawasi wapichawaca.

CAPÍTULO II

ICACANAWA

Icacana nacua niawa

Macaita yai UBPD imaníríca yewacatena nacua nacauca niai yuqueyeicawa caita iyuwa *decreto 589 de 2017* ímana.nia pina ubpd icueye niai,uwaiwa nai,wenewica caneye yasu cáli, quenibeyei, caliacaiye, camiey itaní wawaimi iyú; yata iwacuteri imanícawa iyuwa imana yai decreto ley 4633 2011 yasuca icuaná wasu caali.

Artículo 5

Icácanawa wacua wasu caliwa

Wia wacueri iuwata icacanawa wachuliana wiawata wasu cali inatawa napicha nia uwinai uwaiwaca.

Llewacatena aibanai iwaluacawa wasu cali inatale iwawacutapina wamaidaca nia icueyeica wia, iyuwa cuerpo bomberos, defensa civil, cruz roja aibanai quewa wawacutacali uwinai ipicha iwocuta wacuta wemiawa niai caliaqueyeica.

Artículo 6

Caina icacanawa wacuaca aibanai cali caweniye

Nia uwaiwanai nanacali nasu cali inatawa caliculi nai camiyei nalia caina

wenaiwica nia iwawacutapina namaidaca UBPD nacuacatena napicha nia caita iwawacuta namaida napichawa aibanai iyuwa JEP.

Caita nacai aibanai iwawacutecawa néni.

Idecanami nawacau niai UBPD napicha niai caliaqueyeica yewacatena nalabacani.

Artículo 7

Iwitana yewaidana

Niai UBPD napicha nia ichulieyeica uwaiwanai yasu cali namanipina icacanawa newaidana nasu wenaiwicawa naicacatena caweniri iyu nia wenaiwica yuqueyeicawa nasu cali inata caita nacai naliaquei iyu caita nachuliana niawawa.

CAPÍTULO III

IWAWACUTA NALIACAWA AMALANAMA

Artículo 8

Iwawacuta naliacawa amalanama

Niata iwawawacuteyei icalida nawali amalanama niai UBPD nawali niai yuqueyeicawa, camicali nacalida iwali amalawaca niai UBPD ya iwawacuta namanica cuyaluta nasutacatai nemiawa nawali niai yuqueyeicawa yewacatena nacuta niawa o nepuadacatena nali yasu aiba cuyaluta natanerica niai UBPD nawali niai checaisimica iwawacutapina nacutaapina aibanai ichulieyei o ichulieyei nasu cali inata nacalidacatena nalini niai caneyei nenanai quewa iwawacutapina UBPD imacaca itanawa cuyaluta inata ya tacaisi nepuederica.

Artículo 9

Icalidanapinawa

Niai UBPD iwawacutapina nacalidaca amalawaca nali niai nenanaica caliaquieri iyu nacai napicha nacai niai uwaiwanai ichulieyeica nasu cali inatawa.

Artículo 10

Icacanawa itanacawa

Caita iyuwa imana yai decreto ley 585 2017 yasu, UBPD imanipina napicha niai medicina legal, ciencia forense aberi icacanawa. Namanipina aberi natanacatai nawali macaita niai yuqueyeicawa iyuwa uwaiwanai sumanai, neni uculiyei neni beyei caita nacai aibanai ichulieyeica, nia caliaqueyeica caita nacai nia icueyei wia. Yewacatena yaseidacawa macai iri nia uwaiwaca naliacatenawa caweniri quei nasu wowasica.

CAPÍTULO IV

ADECUACIONES INSTITUCIONALES

Artículo 11

IQUERI PINÁ NAPICHA IWALI YAI NAMANÍRICA

Niai UBPD nawaluada piná napichawa aberi uwaiwa ichuliari quewa naneri niai ichuliayeica uwaiwa nai iwitapu iwali (CDDHPI).

Artículo 12

WENEWICA ÍBAIDEYE PINÁ, ITANÍYEPINÁ NAPICHA NIAI WENEWICA ICHULIAYEICA UWAIWANAI

Caita iyuwa ímana yai artículo 17 ley 589 2017 yasucaa, niai UBPD namipina aberi natanicate piná napicha nia cinco iwitaana icueyé wia uwaiwa naica. yai imanícawa napicha niai UBPD iwawacutá amalacani iina natanacaa aibanai wawasi:

■ Yai imaníripinacawaa yeewanapiná nacutá icacanáwa yai UBPD nawali niai yuqueycawaa wasu cáli ínata.

■ Ya icacanawa imacacawa nalii niai iyéyeica watése.

■ Nacutapina icacanawa ipaidanapinawa nia yuqueycawaa yewacatena naliacawa namanubaca neni

nia yeteyeicuwa yewacatena naucaca nachecami abecataita.

d. Iwawacutaa nacutácawaa niai cayabeyi imaníyepiná cawá wenewica yaapicha, imaniri pinawa napicha niai ichuliayeica wayacalee iricú.

e. Iwawacutaa iyacaa amaleri natanina napichawacawa niai ichuliayeca wayacale iricu.

f. Itanípináwa napicha niai caaliacaiyeca yewacatena imanicawaa wayacale iricu.

Artículo 13

Wenewica iibaiyepinaa nayacale iricuwaa

Caita iyuwa iimana artículo 17 de ley 589 de 2017, imanipinawa abenameyeyi wenewica ibaideye pinaaca aberi ibaidacalesi maulenacatena naibaidanaa niai UBPD.

CAPÍTULO V

METODOLOGÍA

Artículo 14 ICUTERICAWAA (BUSQUEDA)

Niai UBPD naicaa pinaa naapichawa nawaliwa niai uwaiwa naica yewacateena naliacawa napicha iwali puchaibanama yai itaniiricawaa.

Niai UBPD aweni pinaa naicaa yai waliacaica caide iyuuwa ideena waaliacawaa, yeewacatena nacutaaca niai cauyecaawaca neeni niai yeeteyecawaa.

Artículo 15 Imaniiripinawa wateese aiba imaniiri macai uai caalica yai nacutaanaca

Naapicha nichai ichuliayeica wasu caali iinata imanipinaawa iyua nawawana.

Artículo 16 Caali iyeyei mawieni aiba caali irii

Niai UBPD namani pinaa madecanaa wawasi napicha niai aiba caali ca nawali niai yuqueyecawaa, imacata nacai naibaidaca

niai ichuliayeica wasu caali iinata naaliacatewa iwawali ya imaniiripinaacawaa.

Artículo 17 Nanaicatewa

Abenamacatai nawawa niai ichuliyeica nanaidanapinaa niai yuqueyecawaa, niapinaata icaa iwali niai caaliacaiyeca, ipiichana ichabacawa nalii baweri wawasi, ipichana camita ibata namanicaani; niai UBPD iwawacutaa pinaa nabanuacaa iwacaideri naimaacatai pinaa naimacatai pinaa naih.

Artículo 18 Caulenaa catalee wanaca caita wacutacaleepinaa nacai

Nia UBPD iwowacutapina nacutaca nachecami macai cali, uniacuba, calisayacuba, maryacuba nacai caulenatabaca.

Artículo 19

Nanacatee niai caneeyemica

Iwawacutaa nacutaa madeecana wawasi yewacatena nana niai yetemicawaa, nacutaa pinaa nia satélite iyuu.

Artículo 20

Yepua nana niai cheecaisimica, nabaliacataimi yetanimica. UBPD iwawacutaa caweni icaca wasu wawasi iyua waimanaa, cananama yai nacuerica wasu cali inata iwawacuta wacuaca iyua waiwitaise iricubawa iyuwata idabanawa caita idecuni iibaidacawa yewacatena nacuaca naitaise iricuisewa niai caaliacaiyeca.

Artículo 21

Nasaidatewa

Niai icuteyeca niai yetemicawaa ,iwawacuteriwa abedanama nawawa naapicha niai naiwitaise niai uwaiwa naica, nacutanaca niai checaisimi uwaiwa naica.

Artículo 22

Nepuadana naiwitaise iyua niai uwaiwa naica caweniye icaa niawawa

Naiwitaise iyuu niai uwaiwa naica canaca cayaberi nepuda calii nachecacami

canacata yaalimeri ichunica yai baweri iderica imanacawa nalii niai uwaiwa naica.

Cawenipina naica ya ibeideriyacuwa, napicha nia manuba iwitana ichulieyeica neni macai wenaivicana.

Nia UBPD caita nacai nia ichulieyeica wayacale iricu iwawacutapina naibaide yapicha yai uariv neni napicha nia ichulirica macai cali.

Yewacatena ayuda yacasi iwali, nepuninawa neni naimatai nacai iyuwata naima nia uwaiwanaica.

Artículo 23

Nepuadacatai yasaidana

Yewacatena cayabaca nawawa iwawacuta nepuadaca aberi yaasaidana. Wasu calii inata.

Idecalita caliacana macaita nali nayacata niaa yeteyeimicawa.

Caitanacai chabaai caulenatabaca wawaluacawa iwawacutapinacataca nawaluacawa nedacani nepuadacatenani cayabani yena wenaica iriwawa yaai checaisimica.

CAPÍTULO VI

MONITOREO, SEGUIMIENTO Y EVALUACIÓN

Artículo 24**Naicatai iwali**

Niaata namakeyeica niata ikeipina iwalii
yai macai iderica imanicawa.

“Cayábacani”



UBPD

UNIDAD DE BÚSQUEDA
DE PERSONAS DADAS POR DESAPARECIDAS